

INSVLA PRINCIPIS. ANNIBONI INSVLA. 605

instar degit, thalassii coloris: solum subvertens: hoc omnia longe lateque infestat, arrodit, absomitque. Reperi-
tur etiam in hac insula Avium ingens numerus, Perdices, Sturni, Merulae, Passeres virides modulantes, & Psittac-
ci. Urbem in ea Lusitani condiderunt *Pavosam*, ad flumen, in qua 1000 familiae creduntur habitare, praeter
Episcopum aliosque ordinis Ecclesiastici homines. Portum optimum amnemque saluberrimum habet. Ad
piscationes incitant in Mari omnis generis pisces. Imprimis vero res miranda est infinitum numerum Bale-
narum conspicerem, quae in hoc, & in reliquis Africae littoribus reperiuntur. In media Insula mons est valde ne-
morosus, qui perpetuo nubibus tegitur adeo densis, ut ex Silvis aquae manent rigandis Sacchari arundinibus
sufficientes: quoque Sol est sublimior, eo magis Coelum est circa Montem illum nebulosum. Incolae partim albi
sunt, partim nigri. Mirum quod narrant, nigros admodum Pulicibus, Pediculis & Cimicibus infestari: albos ne-
que Pediculos, neque Pulices, neque Cimices in lectis habere.

*Animalium va-
rietas.*

Vibs Pavosa.

Mons.

Insula Principis.

HAUD procul inde, citra Aequinoctialem tamen gradibus pene tribus, *Insula est Principis*. Hæc ex eo no-
men traxit, quod *Principi* Portugalliae hujus Insulae reditus esset assignatus. Satis culta est, & proventu Sac-
chari celebrata. Crescit & in ea Palma, cujus supra mentionem fecimus, ex qua succum eliciunt quo, sitim levât,

Vnde dicta.

Coli fertilitas.

Anni Boni Insula.

ANNI boni vel de *Annobon* Insula, sic dicta, quod sub novi Anni auspicia detecta fuerit. Ea ultra Aequi-
noctialem Austrum versus pari intervallo sita est. Inhabitata est: sed ad ejus littora optimae piscationes
fiunt: atque his locis Pisces volantes interdum apparent. Crocodilorum etiam hic ac venenosorum
Animalium incredibilis copia. Atque hæc de *Guinea* & hisce Insulis, deque *Africa* hæcenus dicta, suf-
ficient. Libet autem adscribere Coronidis quasi loco, quod *Aeneas* Gazæus Græcus Scriptor retulit in Theo-
phraστο suo, sive libro de animarum immortalitate, & resurrectione mortuorum, Martyres ac Sacerdotes ma-
gnæ Libyæ, evulsa a Tyranno & excisa ipsorum lingua, nihilominus clare locutos fuisse, ac annunciasse animo
hilari ac magno Dei magnalia, quod obstupefactum se vidisse & audivisse commemorat. Qui porro, quam ego
attuli, plura perat, consulat moneo ex veteribus *Salustium* in bello *Iugurthino*: *Hannonis* Africae circumnavi-
gationem apud *Arrianum*: & *Iamboli*, apud *Diodorum Siculum*: item *Melpomenen* *Herodoti*. Ex recentio-
ribus *Aloysium Cadamustum*: *Vasum de Gama*: *Franciscum Alvares*, qui *Æthiopiam* perlustravit: *Ioannem*
Leonem qui omnium accuratissime eam descripsit: & *Ludovicum Marmolium*: item *Livium Sanutum*, & alios.
De *Nilo* fluvio totius Orbis terrarum maximo, extant litteræ *Ioannis Baptistæ Rhamusi*, & *Hieronymi Fraca-*
storii. Nos ad tertiam Orbis partem *Asiam* pergimus.

Vnde dicta.